

tuli, oleo philosophorum, de euphorbio, de pipribus.

Catuli viui per medium secti, vel

Pulmones è viuis animalibus exempti, parti distentæ circumponantur quamdiu calebunt post vnctiones prædictas; maximo enim id fiet cum commodo.

Pelles felium, vulpium, veruecum, lupulorum, quibus partes conuulsæ vestiri debêt mox ab vnctione conuenienti; quæ postquam refrixerint, iterum in oleo calente immergende sunt vt recalescant, iterumque superponi possint.

Vnguentum ex oleo terebinthino, amygdalino, liliorum, de castoreo, guaiaci.

Succus malorum siluestrium, locis affectis accommodatus debite.

Suffitus sub papilione fiant ex decocto materiarum pro clysteri inferuentium, ignitique lapides coctiles iniiciantur in cacabum sub papilione ita compositum, vt calor vaporque non expirent.

Balnea naturalia, sulfurea, salsa aut aluminosa, hisce si destituamur, arte fiant ex sulfure, sale, alumine, aut ex saluia, betonica, malua, hypericone, foliis lauri, absinthio, ruta, abrotano, maiorana, pulegio, meliloto, camomilla, radicibus liliorum, ireos, semine lini, fenugræci. Plurimum sæpe profuere huiusmodi balnea post diligentem corporis purgationem, cum ab omnibus partibus æqualiter reliquias resoluant, bis terte autem in die illis vtetur.

Cucurbitulæ conuenient tandem cum scarificatione collo occipitique applicatæ; à quibus abstinendum quamdiu cacochymia corporisque plenitudo affuerit; periculum enim est ne maior excrementorum copia in partem distentam illabatur.

T H E O.